

MINISTERIO DE ECONOMÍA E FACENDA

4473 REAL DECRETO 161/2008, do 8 de febreiro, polo que se delimita a zona de promoción económica da Comunidade Autónoma de Galicia. («BOE» 59, do 8-3-2008.)

Mediante o Real decreto 568/1988, do 6 de maio, creouse e delimitouse unha zona de promoción económica en Galicia, conforme o disposto no Real decreto 1535/1987, do 11 de decembro, polo que se aprobou o Regulamento da Lei 50/1985, do 27 de decembro.

Posteriormente, o Real decreto 530/1992, do 22 de maio, modificou os artigos 1, 2 e 3, así como o anexo do Real decreto 568/1988, do 6 de maio, no sentido de incluír os municipios que integraban a zona industrializada en declive de Galicia, cuxo prazo de vixencia rematará, dentro da zona de promoción económica.

Así mesmo, o Real decreto 1328/2001, do 30 de novembro, modificou os artigos 1, 2, 5.1, 10 e 13 do Real decreto de delimitación da zona para adaptalo á autorización comunitaria do 11 de abril de 2000.

Por outra parte, o 4 de marzo de 2006 o «Diario Oficial de la Unión Europea» publicou as directrices sobre as axudas de Estado de finalidade rexional para o período 2007-2013 (2006/C 54/08) en virtude do compromiso adoptado polos Estados membros no Consello Europeo de Estocolmo sobre redución global das axudas públicas e a súa reorientación cara a obxectivos horizontais de interese común. Nelas fíxanse as regras segundo as cales as axudas de Estado teñen por obxecto favorecer o desenvolvemento das rexións máis pobres, determinan os criterios para a selección das rexións que poden optar ás axudas rexionais e definen os seus teitos. Así mesmo, o punto 38 das devanditas directrices establece como condición para que un proxecto de investimento poida obter axuda rexional que antes de comezar os seus traballos se presente a solicitude, e que a autoridade nacional confirme por escrito que o proxecto, en principio, pode recibir a axuda.

O artigo 3.1.(b) do Regulamento CE n.º 1628/2006 do 24 de outubro de 2006, relativo á aplicación dos artigos 87 e 88 do Tratado CE ás axudas rexionais ao investimento, publicado no «Diario Oficial de la Unión Europea» o 1 de novembro de 2006, prevé a posibilidade de exención da obriga de notificación do artigo 88, número 3, do tratado aos réximes que inclúan unha referencia expresa ao dito regulamento, citando o seu título e referencias de publicación no «Diario Oficial de la Unión Europea».

Así, o Real decreto 174/2007, do 9 de febreiro, modificou os artigos 1, 2, 5.1 e 9 do Real decreto de delimitación da zona para adaptalo á autorización comunitaria do 20 de decembro de 2006, que estableceu un máximo de incentiación en toda a comunidade autónoma do 30 por cento ata o 31 de decembro de 2013, de acordo coas directrices sobre as axudas de Estado de finalidade rexional para o período 2007-2013 (2006/C 54/08) e a Decisión da Comisión Europea Axuda Estatal N 626/2006, do 20 de decembro de 2006.

Por último, o Real decreto 899/2007, do 6 de xullo, aprobou o novo Regulamento dos incentivos rexionais, de desenvolvemento da Lei 50/1985, do 27 de decembro, que, unido a todas as modificacións anteriores, fai necesario aprobar un novo real decreto de delimitación desta zona que se adapte ao novo regulamento e per-

mita continuar aplicando nela a política de incentiación rexional, co obxecto de favorecer o seu desenvolvemento, fomentando a actividade económica, adaptándose ás novas directrices comunitarias e dentro dos límites aprobados pola Decisión da Comisión Europea Axuda Estatal N 626/2006, do 20 de decembro de 2006.

Cumpríronse, co coñecemento previo da Comisión Delegada do Goberno de Asuntos Económicos, as actuacións do Consello Reitor de Incentivos Rexionais e da Comunidade Autónoma de Galicia, previstas no Real decreto 899/2007, do 6 de xullo, polo que se aproba o Regulamento dos incentivos rexionais de desenvolvemento da Lei 50/1985, do 27 de decembro.

Na súa virtude, por proposta do ministro de Economía e Facenda e logo de deliberación do Consello de Ministros na súa reunión do día 8 de febreiro de 2008,

DISPONGO:

Artigo 1. *Ámbito xeográfico.*

Conforme o disposto no Real decreto 899/2007, do 6 de xullo, polo que se aproba o Regulamento dos incentivos rexionais, de desenvolvemento da Lei 50/1985, do 27 de decembro, delimitase a zona de promoción económica da Comunidade Autónoma de Galicia, que comprende todo o seu territorio.

Artigo 2. *Teito máximo das axudas.*

1. Os incentivos rexionais que se poderán conceder na dita zona non poderán superar a porcentaxe máxima do 30 por cento sobre o investimento aprobado.

2. Ningún proxecto que se acolla aos incentivos rexionais en virtude deste real decreto poderá ser beneficiario doutras axudas financeiras, calquera que sexa a súa natureza e o órgano ou administración que as conceda, que, acumuladas ás previstas nesta normativa, superen os límites máximos de axuda establecidos no Mapa español de axudas de finalidade rexional.

Artigo 3. *Zonas prioritarias.*

1. Na zona de promoción económica da Comunidade Autónoma de Galicia serán zonas prioritarias as que se indican no anexo deste real decreto.

2. A Comisión Delegada do Goberno para Asuntos Económicos, por proposta do Consello Reitor, logo do informe da comunidade autónoma, poderá establecer zonas específicas dentro das zonas prioritarias a que se refire o punto anterior. O Consello Reitor poderá propor, dentro das citadas zonas específicas, a aplicación de porcentaxes máis favorables, así como o seu período de aplicación, respecto:

a) Do nivel mínimo de autofinanciamento exigido no artigo 9.b) deste real decreto, respectando sempre o límite mínimo establecido no artigo 8.b) do Regulamento aprobado polo Real decreto 899/2007, do 6 de xullo.

b) Do incremento da porcentaxe de subvención a que se refire o artigo 11.c) deste real decreto, respectando sempre o límite máximo establecido no artigo 2 deste real decreto.

3. A delimitación das zonas definidas como prioritarias no anexo poderá ser modificada, de conformidade coa súa evolución socioeconómica e por proposta do Consello Reitor, polo Ministerio de Economía e Facenda de común acordo coa comunidade autónoma.

Así mesmo, teranse en conta as zonas rurais prioritarias que se establezan en aplicación da Lei 45/2007, do 13 de decembro, para o desenvolvemento sustentable do medio rural.

Artigo 4. *Obxectivos.*

O obxectivo que se pretende conseguir coa creación da zona de promoción económica da Comunidade Autónoma de Galicia é impulsar e desenvolver o tecido socioeconómico, con especial atención ao aumento do nivel de vida no territorio, en particular nas súas zonas máis deprimidas, a través:

- a) Da promoción na creación de empresas innovadoras e de base tecnolóxica que propoñan investimentos baseados en proxectos de investigación, desenvolvemento e innovación (I + D + I) e, en xeral, na innovación tecnolóxica, o deseño industrial e a mellora ambiental.
- b) Do impulso do potencial endógeno do territorio así como desenvolver e consolidar o tecido industrial con base en criterios de calidade, eficiencia, produtividade e respecto ao ambiente.
- c) Do fomento da diversificación nos sectores da produción e a distribución que aumenten o atractivo e o impulso da actividade no territorio.

Artigo 5. *Prazo de vixencia.*

1. O prazo de vixencia desta zona de promoción económica, para os efectos de solicitar as axudas que se determinan neste real decreto, finalizará o día 31 de decembro de 2013.
2. Malia o disposto no parágrafo anterior, esta data pode ser modificada, atendendo ás circunstancias que se poidan presentar, por acordo da Comisión Delegada do Goberno para Asuntos Económicos, por proposta do Consello Reitor, comunicándollo previamente á comunidade autónoma.

Artigo 6. *Clases de incentivos rexionais.*

Os incentivos rexionais que se lles poderán conceder nesta zona aos solicitantes que realicen proxectos de investimento e cumpran os requisitos exixidos no Regulamento aprobado polo Real decreto 899/2007, do 6 de xullo, e neste real decreto de delimitación, consistirán en subvención a fondo perdido sobre o investimento aprobado.

Artigo 7. *Sectores económicos promocionables.*

1. Para os efectos previstos no artigo 6 do Regulamento aprobado polo Real decreto 899/2007, do 6 de xullo, serán sectores promocionables os seguintes:
 - a) Industrias transformadoras e servizos de apoio á produción que, respectando os criterios sectoriais establecidos polos organismos competentes, inclúan tecnoloxía avanzada, presten especial atención a melloras ambientais e supoñan unha mellora significativa na calidade ou innovación de proceso ou produto e, en especial, os que favorezan a introdución das novas tecnoloxías e a prestación de servizos nos subsectores das tecnoloxías da información e as comunicacións e os que melloren significativamente as estruturas comerciais.
 - b) Establecementos turísticos e instalacións complementarias de ocio que, respectando os criterios sectoriais establecidos polos organismos competentes,

posúan carácter innovador, especialmente no relativo ás melloras ambientais, e que melloren significativamente o potencial endógeno da zona.

2. Consideraranse sectores excluídos os non citados no parágrafo anterior. Non obstante, facúltanse os órganos competentes previstos no artigo 26 do Regulamento aprobado polo Real decreto 899/2007, do 6 de xullo, para que, excepcionalmente e logo de informe do Consello Reitor, poidan conceder incentivos rexionais a proxectos que, non estando incluídos nos sectores anteriormente mencionados, contribúan dunha forma significativa ao logro dos obxectivos citados no artigo 4 deste real decreto.

En todo caso, teranse en conta as normas e criterios da Unión Europea vixentes para os sectores que se poidan considerar sensíbeis.

3. Por acordo do Consello Reitor poderanse establecer restricións sobre actividades incluídas nos sectores promocionables conforme as directrices de política económica.

Artigo 8. *Tipos e dimensións mínimas dos proxectos.*

1. Poderanse conceder os incentivos rexionais, na zona de promoción económica da Comunidade Autónoma de Galicia, ás empresas solicitantes que realicen proxectos de investimento dos seguintes tipos e dimensións:

- a) Proxectos de creación de novos establecementos, tal como se definen no artigo 7.2 do regulamento, cun investimento aprobado superior a 600.000 €, sempre que xeren novos postos de traballo.
- b) Proxectos de ampliación, tal como se definen no artigo 7.3 do regulamento, cun investimento aprobado cuxa contía sexa significativa en relación co inmovilizado material do establecemento e, en todo caso, superior a 600.000 €, sempre que supoñan un aumento significativo da capacidade produtiva, que superen determinada porcentaxe sobre a dotación para amortizacións do establecemento e que xeren novos postos de traballo e se manteñan os existentes.
- c) Proxectos de modernización cuxo investimento aprobado sexa significativo en relación co inmovilizado material do establecemento, que deberá ser, en todo caso, igual ou superior a 600.000 €, sempre que cumpran as seguintes condicións:

- 1.º) Que o investimento constitúa unha parte importante do inmovilizado material e que supere determinada porcentaxe sobre a dotación para amortizacións do establecemento que se moderniza e que implique a adquisición de maquinaria tecnoloxicamente avanzada que produza un incremento sensible da produtividade.
- 2.º) Que o investimento dea lugar á diversificación da produción dun establecemento para atender mercados de produtos novos e adicionais ou supoña unha transformación fundamental no proceso global de produción dun establecemento existente.
- 3.º) Que se manteñan os postos de traballo existentes.

2. O Consello Reitor establecerá os criterios con respecto á contía que se considerará significativa, sobre o investimento aprobado, en relación co activo inmovilizado material do establecemento, incremento da capacidade de produción e de produtividade e porcentaxes

sobre a dotación de amortización do establecemento, indicados en puntos anteriores.

Artigo 9. *Requisitos dos proxectos.*

1. Os proxectos de investimento que se pretendan acoller aos beneficios previstos nesta zona de promoción económica deberán cumprir, ademais, os seguintes requisitos:

a) Ser viables técnica, económica e financeiramente.

b) Autofinanciarse, polo menos, nun 30 por cento do seu investimento aprobado. Dependendo do proxecto poderase exixir unha porcentaxe superior.

c) O investimento non se poderá iniciar antes do momento en que o órgano competente da comunidade autónoma confirmase por escrito ao solicitante que o proxecto, suxeito ao resultado final derivado dunha verificación detallada, é, a primeira vista, susceptible de ser elixible en cumprimento das condicións xerais de localización e de investimento produtivo, sen que se presupoña o cumprimento do resto das condicións que se deban exixir para a concesión dos incentivos rexionais e, por tanto, sen que isto supoña a decisión que finalmente se adopte.

Por «inicio dos investimentos» enténdese o inicio dos traballos de construción, calquera compromiso en firme para o pedimento ou adquisición de bens ou equipamentos, ou calquera arrendamento de servizos, con exclusión dos estudos previos do proxecto.

2. De acordo co artigo 160 do Tratado constitutivo da Comunidade Europea e co disposto nos regulamentos CE n.º 1083/2006 e CE n.º 1080/2006, todo proxecto aprobado por incentivos rexionais que sexa susceptible de ser incluído dentro dun programa operativo ou outra forma de intervención do Fondo Europeo de Desenvolvemento Rexional, será cofinanciado por este e o seu titular asumirá a condición de beneficiario do Fondo, e deberá cumprir todas as obrigas derivadas da dita condición.

Artigo 10. *Conceptos de investimento.*

De conformidade co disposto no artigo 9 do Real decreto 899/2007, do 6 de xullo, poderanse considerar investimentos incentivables os realizados dentro dos seguintes conceptos:

a) Obra civil, entre as que se considerarán incluídas: as traídas e acometidas de servizos, urbanización e obras exteriores adecuadas ás necesidades do proxecto, oficinas, laboratorios, instalacións para servizos laborais e sanitarios do persoal, almacéns, edificios de produción ou transformación, edificios de servizos industriais, almacéns e outras obras vinculadas ao proxecto.

b) Bens de equipamento, entre os cales se considerarán: maquinaria de proceso, instalacións eléctricas especiais, instalacións enerxéticas e de subministración de auga especiais, elementos de transporte interior, vehículos especiais de transporte exterior, equipamentos de medida e control, instalacións de seguranza, instalacións de mellora e protección ambiental, e outros bens de equipamento ligados ao proxecto.

c) Estudos previos do proxecto, entre os cales se poden incluír: traballos de planificación, enxeñaría de proxecto e de dirección facultativa dos proxectos.

d) Outros conceptos, excepcionalmente. Aprecia-rase a excepcionalidade naqueles proxectos de carácter singular pola natureza do investimento.

Artigo 11. *Criterios de valoración dos proxectos.*

Para a valoración de proxectos que cumpran os requisitos establecidos nas disposicións vixentes utilizaranse os criterios seguintes:

a) A contía da subvención gardará relación coa contía total do investimento aceptado, co número de postos de traballo creados e coa clase de proxecto de que se trate (de creación, de ampliación ou de modernización).

b) Valorarase especialmente o emprego, a incorporación ao proxecto de tecnoloxía avanzada, a taxa de valor engadido ou o incremento de produtividade, o carácter dinamizador do proxecto para a economía da zona e a utilización de recursos naturais da zona.

c) Nas zonas definidas como prioritarias, que se inclúen no anexo a esta disposición, a porcentaxe de subvención que correspondería ao proxecto pola aplicación dos criterios anteriores, incrementarase nun 20 por cento, respectando sempre o límite máximo determinado no artigo 2 deste real decreto. A porcentaxe final que resulte arredondarase a un número enteiro.

Artigo 12. *Administración e xestión dos incentivos rexionais.*

1. O procedemento de administración e xestión dos incentivos rexionais será o previsto no capítulo II do título II e nos títulos III ao VI do Real decreto 899/2007, do 6 de xullo, e nas disposicións que, con carácter xeral, dite o ministro de Economía e Facenda para este efecto, coas seguintes particularidades:

a) O solicitante deberá declarar as axudas públicas que solicitase ou obtívese para o mesmo proxecto, tanto nos momentos que se determinan no Real decreto 899/2007, do 6 de xullo, como en calquera momento do procedemento en que iso se produza.

b) A Comunidade Autónoma de Galicia remitirá, xunto co expediente de solicitude, copia da comunicación de confirmación de elixibilidade a que fai referencia o artigo 24 do Real decreto 899/2007, do 6 de xullo, ou un escrito indicando expresamente que non se efectuou a dita comunicación, para poder proceder á tramitación do correspondente expediente de subvención.

c) A resolución individual de concesión ou denegación de incentivos económicos rexionais será notificada ao interesado pola Dirección Xeral de Fondos Comunitarios a través do órgano competente da Comunidade Autónoma de Galicia.

2. Todos os proxectos que se acollan aos incentivos rexionais están obrigados ao cumprimento da lexislación da Unión Europea, así como a colaborar coas administracións implicadas, para a adecuada vixilancia dos obxectivos establecidos na Lei 50/1985 e nas directrices de política rexional.

Artigo 13. *Informe sobre o grao de execución dos proxectos.*

1. Para dar cumprimento ao disposto no artigo 22 do Real decreto 899/2007, do 6 de xullo, a Comunidade Autónoma de Galicia remitirá á Dirección Xeral de Fondos Comunitarios, nos trinta días seguintes a cada semestre natural, un informe sobre o grao de execución dos proxectos conforme as condicións establecidas, co obxecto de que esta poida vixiar a adecuada aplicación

dos incentivos rexionais e co fin de lle facilitar ao Consello Reitor información periódica sobre as axudas.

2. O órgano competente da Comunidade Autónoma de Galicia, para os efectos de emitir o informe sobre o grao de execución do proxecto conforme as condicións establecidas, poderá aceptar variacións nas distintas partidas orzamentarias do investimento incentivable, sempre que a dita variación, en máis ou en menos, non supere o 10 por cento de cada partida e que isto non supoña alteración na contía total do investimento incentivable.

Disposición derogatoria única. *Derrogación normativa.*

Queda derogado o Real decreto 568/1988, do 6 de maio, de creación e delimitación da zona de promoción económica de Galicia, así como os reais decretos 530/1992, do 22 de maio; 1328/2001, do 30 de novembro, e 174/2007, do 9 de febreiro, de modificación deste.

Disposición derradeira primeira. *Habilitación.*

Autorízase o ministro de Economía e Facenda para ditar, por proposta do Consello Reitor, as disposicións necesarias en desenvolvemento e execución deste real decreto, así como para modificar os límites cuantitativos previstos no artigo 8, número 1, a), b) e c), cando as circunstancias o aconsellen.

Disposición derradeira segunda. *Entrada en vigor.*

Este real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 8 de febreiro de 2008.

JUAN CARLOS R.

O vicepresidente segundo do Goberno
e ministro de Economía e Facenda,

PEDRO SOLBES MIRA

ANEXO

Zonas prioritarias

A Coruña:

Ares.
Arteixo.
Betanzos.
Cabana de Bergantiños.
Cabanas.
Camariñas.
Cambre.
Capela, A.
Carballo.
Carnota.
Cedeira.
Cee.
Cerceda.
Cerdido.
Corcubión.
Coristanco.
Coruña, A.
Culleredo.
Curtis.
Dumbría.
Fene.

Ferrol.
Fisterra.
Laxe.
Laracha, A.
Malpica.
Mañón.
Miño.
Moeche.
Monfero.
Mugardos.
Muxía.
Muros.
Narón.
Neda.
Noia.
Ordes.
Ortigueira.
Padrón.
Pobra do Caramiñal, A.
Ponteceso.
Pontedeume.
Pontes de García Rodríguez, As.
Ribeira.
Sada.
San Sadurniño.
Santa Comba.
Santiago de Compostela.
Somozas, As.
Valdoviño.
Vimianzo.
Zas.

Lugo:

Becerreá.
Begonte.
Burela.
Cariño.
Cervo.
Chantada.
Foz.
Lugo.
Mondoñedo.
Monforte de Lemos.
Outeiro de Rei.
Rábade.
Ribadeo.
Sarria.
Vilalba.
Viveiro.
Xove.

Ourense:

Allariz.
Arnoia, A.
Barco de Valdeorras, O.
Carballiño, O.
Celanova.
Leiro.
Ourense.
Paderne de Allariz
Pereiro de Aguiar, O.
Ribadavia.
Rúa, A.
San Cibrao das Viñas.
Verín.
Vilamartín de Valdeorras.
Xinzo de Limia.

Pontevedra:

Baiona.
Bueu.

Caldas de Reis.
 Cambados.
 Cangas.
 Estrada, A.
 Gondomar.
 Grove, O.
 Lalín.
 Marín.
 Moaña.
 Mos.
 Nigrán.
 Pontevedra.
 Porriño, O.
 Poio.
 Pontecesures.
 Pontearreas.
 Redondela.
 Ribadumia.
 Rosal, O.
 Salceda de Caselas.
 Salvaterra de Miño.
 Sanxenxo.
 Silleda.
 Tui.
 Vigo.
 Vilagarcía de Arousa.
 Vilanova de Arousa.

MINISTERIO DA PRESIDENCIA

4728 *REAL DECRETO 266/2008, do 22 de febreiro, polo que se modifica a Confederación Hidrográfica do Norte e se divide na Confederación Hidrográfica do Miño-Sil e na Confederación Hidrográfica do Cantábrico.* («BOE» 62, do 12-3-2008.)

O Real decreto 650/1987, do 8 de maio, polo que se definen os ámbitos territoriais dos organismos de bacía e dos plans hidrolóxicos, definiu o ámbito territorial da Confederación Hidrográfica do Norte, organismo autónomo regulado polo Real decreto 930/1989, do 21 de xullo. O ámbito territorial da Confederación Hidrográfica do Norte abrangue as bacías hidrográficas xestionadas pola Administración xeral do Estado ao norte das bacías hidrográficas do Douro e do Ebro, entre as fronteiras de Francia e Portugal. Excluíanse as bacías intracomunitarias de Galicia, que foran transferidas anteriormente, e posteriormente excluíronse as bacías internas do País Vasco.

Na actualidade, a Confederación Hidrográfica do Norte abrangue dous grandes grupos de bacías: o Miño e o Limia, que verten no Atlántico, e as bacías da vertente cantábrica.

A este respecto, o Senado, por unanimidade dos seus grupos políticos, acordou o 5 de abril de 2005 instar o Goberno para que adopte as medidas necesarias para crear un organismo de bacía propio para os ríos Miño e Limia. Así mesmo, o Real decreto 125/2007, do 2 de febreiro, polo que se fixa o ámbito territorial das demarcacións hidrográficas, define dúas demarcacións hidrográficas no ámbito territorial da actual Confederación Hidrográfica do Norte.

Todo isto pon de manifesto a necesidade de modificar a Confederación Hidrográfica do Norte e dividila nas

confederacións hidrográficas do Miño-Sil e do Cantábrico, modificacións que se realizan conforme o previsto no artigo 63.2 da Lei 6/1997, do 14 de abril, de organización e funcionamento da Administración xeral do Estado.

Na súa virtude, por iniciativa da ministra de Medio Ambiente, por proposta dos ministros de Administracións Públicas e de Economía e Facenda e logo de deliberación do Consello de Ministros na súa reunión do día 22 de febreiro de 2008,

DISPÕO :

Artigo 1. *Modificación da Confederación Hidrográfica do Norte.*

Nos termos previstos neste real decreto, a Confederación Hidrográfica do Norte desdóbrase nas confederacións hidrográficas do Miño-Sil e do Cantábrico, adscritas, para efectos administrativos, ao Ministerio de Medio Ambiente:

1. A Confederación Hidrográfica do Miño-Sil exercerá as funcións atribuídas á Confederación Hidrográfica do Norte no ámbito territorial da parte española da Demarcación Hidrográfica do Miño-Sil, a que se refire o artigo 3.1 do Real decreto 125/2007, do 2 de febreiro, polo que se fixa o ámbito das demarcacións hidrográficas.

2. A Confederación Hidrográfica do Cantábrico exercerá as funcións atribuídas á Confederación Hidrográfica do Norte no ámbito territorial da parte española da Demarcación Hidrográfica do Cantábrico, a que se refire o artigo 3.1 do Real decreto 125/2007, do 2 de febreiro, polo que se fixa o ámbito das demarcacións hidrográficas.

Artigo 2. *Sucesión da Confederación Hidrográfica do Norte.*

1. As confederacións hidrográficas do Miño-Sil e do Cantábrico sucederán a título universal a Confederación Hidrográfica do Norte nos bens, dereitos e obrigas desta no que se refire aos seus respectivos ámbitos territoriais definidos no artigo 1.

2. Os bens, dereitos e obrigas da actual Confederación Hidrográfica do Norte que estean situados ou se proxecten sobre o ámbito territorial de ambas as confederacións imputaranse a estas atendendo ás súas funcións e en proporción á súa repercusión nas súas actividades respectivas.

Artigo 3. *Afectación dos bens de dominio público.*

Os bens de dominio público que teña afectados ou adscritos a actual Confederación Hidrográfica do Norte quedarán, conservando a súa cualificación xurídica orixinaria, respectivamente afectados ou adscritos ás confederacións hidrográficas do Miño-Sil ou do Cantábrico nos seus respectivos ámbitos territoriais.

O réxime xurídico dos bens propios e adscritos destas confederacións será o establecido no texto refundido da Lei de augas, aprobado polo Real decreto lexislativo 1/2001, do 20 de xullo, e, supletoriamente, na Lei 33/2003, do 3 de novembro, do patrimonio das administracións públicas.

Artigo 4. *Estrutura orgánica e funcións.*

1. A estrutura orgánica, os órganos de goberno, administración e cooperación e as funcións da Confede-